

## **Amarka L. 1. Rep**

**Xeer ku saabsan shirarka dadweynaha.**

### **MAAMULKA WASAAYADDA TALYAANIGA EE SOOMAALIYA**

#### **MAAMULAHAA**

Marka uu arkay dekereetda Madaxweynaha Jamhuuriyadda Talyaaniga lamba. 2357 ee taariikhda 9 Dicember 1952;

Marka uu garowsaday baahida deg-egga ee loo qabo in la soo saaro xeer ku saabsan shirarka dadweynaha;

Marka uu arkay qod. 8 Heshiiska Wasaayadda dalka Soomaaliya ee ku hoos jira Maamulka Talyaaniga;

Marka uu arkay qod. 4 bayaanka mabaadida dastuuriga ee ku lifaaqan Heshiiska Wasaayadda;

Marka uu arkay qod. 4 dekereetada Madaxweynaha Jahuuriyadda ee 9 Disember 1952, lamba. 2357;

### **WUXUU AMAR KU SOO SAARAYAA**

#### **Qod. 1**

Dhammaan dadka deggan Dalka waxay xaq u leeyihiin in si nabadgalya uga qaybgalaan shirarka. Shirarka looma baahna in fasax loo qato.

#### **Qod. 2**

Kulamadaku saabsan goobaha guud ama dadweynaha u furan, qaban qabayaasha waxaa laga doonayaa in soo ogaysiyyaan Guddoomiyaha degmada shaqada ku leh ugu yaraan saddex cisho ka hor, iyagoo tilmaamayo ulajeeddada shirkha.

Waxaa loo aqoonsanyahay mid guud xitaa kulamada, inkastoo loo qabanayo qaab gaara, haddana marka la eego goobta lagu qabanayo ama tirda dadka ay tahay in ay ka soo qabgalaan ama ujeeddada loo qabanayo iyo mowduuca, wuxuu yeelan karaa dabecad aan ahayn mid gaara. Waxaa loo aqoonsanyahay kulamo qaab gaara, kulamada caadiyan ay qabsadaan ururada xitaa haddii ay leeyihiin ulajeeddoo siyaasadeed, haddii aanay lahayn dabeecad shirweyne ama shirar Goboleed ama kuwa qaranka.

Sababo la xariira nabadgalyada guud, caafimaadka ama anshaxa ama marka aan la soo sheegin ogaysiyya hore, Gudoomiyaha Degmadu wuu mamnuuci karaa kulamada ama wuxuu jidayn karaa qaabab la xariira waqtiga iyo goobta.

Isla sababahaas Guddoomiyaha Degmada wuxuu joojin kara isku soo baxyada. Guddoomiyaha Degmada waa in uu si degdegga soo wargeliyaa qaraarada Guddoomiyaha Gobolka isagoo tilmaamaya sababaha.

Marka aan loo hoggaansamin mamnuucidda ama tilmaamihii ay masuulintu jideeyeen, qabanqabayaasha shirarka ama isku soo baxyada kuwa ka hadlay waxaa laga dacweyn karaa masulinta garsoorka.

Lama ciqaabi karo qofka amarka masuuliinta amarka u hoggaansanaanta ka hor kulanka isaga baxay.

#### **Qod. 3**

Keerarka lagu soo sheegay qodobka sare laguma dabbayayo shirar dhaqameedka iyo hawlaho diiniga kuwaso cibaada ahaan u baahan in lagu qabto goobo dadweynaha u furan.

Guddoomiyaha degmada wuxuu iqtiyaar u leeyahay in mammuuco sababaha la caddeeyay awgood ee la xariira arrimaha nabadgalyada guud, caafimaadka iyo anshaxa in uu manuuco gebi ahay shirarka la soo sheegay ama uu soo saaro qaabab cayiman iyadoo markastaba la ogaysiinayo qaban-qaabayaasha.

#### **Qod. 4**

Qaraarada la soo sheegay laguma dabbqayo gaadiidka maydka wada, bandhigyada iyo suuqyada, haddii aanay jirin amarro ku saabsan caafimaadka ama nadaafadda maxalliga.

#### **Qod. 5**

Waxaa ka reeban in shirarka dadweynaha loo soo qaato hub xitaa haddii fasaxa loo haysto.

Xadgubaha lagu qabto isagoo gacanta kula jira waa la xiraya, Guddoomiyaha Degmada wuxuu u oggolaan karaa fasaxyo gaara o hub loo soo qaato kulamada qarkood kuwooda dhaqanka waafaqsan.

#### **Qod. 6**

Haddii munaasabadaha shirarka iyo isku soo baxyada goobaha guud ama dadweynaha u furan ay ka dhashaan mudaaharaadyo ama buuq kaaso wax u dhibi kara xasilloonida guud ama ammaanka muwadiniinta amse haddii shirarka la soo sheegay ay dambiyo ka dhashaan shirarka iyo isku soo-baxyada waa lakala driyaa.

#### **Qod. 7**

Marka xaaladaha qodobada la soo sheegay loo baahdo in shirarka iyo isku soo baxyada goobaha guud ama dadweynaha u furan loo bahdo in la kala diro dadka soo shiray ama isku soo baxay waxaa loogu yeeraya magaca sharciga in masuulinta boliiska ay kala diraan. Haddii amarka kala diridda uu shaqayn waayo masuuliinta ciidanka boliiska waxay amar bixinayaan saddex amar oo ku saabsan kaladiridda, qaabka ugu habboon ee suurtgalka ah iyadoo markasta loo marayo magca sharciga.

Haddii saddex amar ee kala diridda ay shaqay waayaan shirarka ama isku soo baxyada xoog ayaa lagula diraya iyadoo dadka kulansan ama isku soo baxay ee diida in u hoggaansamaan la xirayo.

#### **Qod. 8**

Cidakasta oo ka hortimaadda qaraarada amarkaan haddii falku aanay lahayn dabecad fal-dambiyed kale, waxaa lagu ciqaabayaa xarig ah shan cisho illaa sanad ama ganaax ah sh. 2 illaa 100. Hubka loo soo qatao shirarka oo horay fasax loo haysan waa lala waregaya.

#### **Qod. 9**

Xeerkaan wuxuu dhaqangalayaa maalinta lagu baahiyoo Faafinta Rasamiga

Muqdisho, 20 Feberaayo 1954.

Maamulaha

**Martino**